



REPUBLIKA E SHQIPËRISË
AKADEMIA E SHKENCAVE
Qendra e Studimit të Arteve

Tiranë, më 27.9.2024

Njoftim për vend të lire pune

Në zbatim të ligjit nr. 53/2019 “Për Akademinë e Shkencave në Republikën e Shqipërisë”, i ndryshuar, të Statutit të saj, i ndryshuar, të Vendimit të Këshillit të Ministrave nr.821, datë 28.12.2023 për “Ngritjen dhe organizimin e njësive të përhershme të kërkim-studimit në albanologji pranë Akademisë së Shkencave të Republikës së Shqipërisë”, Vendimit të Kryesisë të Akademisë së Shkencave nr.4, datë 10.01.2024 “Për strukturën e organikën dhe për emërimin e punonjësve kërkimorë-shkencorë dhe të administratës ndihmëse të instituteve të albanologjisë” dhe të Rregullores së brendshme administrative të Akademisë së Shkencave, e ndryshuar, shpall një vend të lirë pune:

1. Pozicioni: Ndihmës tekniko-shkencor, specialiteti: multimedia në sektorin e shërbimeve, kategoria IV-1.

Pozicioni i punës është pranë Qendrës së Studimit të Arteve në Akademinë e Shkencave të Shqipërisë.

Kandidati/ja që aplikon për vendin e punës “Ndihmës tekniko-shkencor, specialiteti: multimedia në sektorin e shërbimeve”, kategoria IV-1, duhet të plotësojë *kriteret e përgjithshme* dhe *kriteret e veçanta*, të cilat janë parashtruar në këtë dokument, deri në miratimin e akteve të tjera nënligjore.

Kritere të përgjithshme:

1. Të jetë shtetas shqiptar;
2. Të ketë zotësi të plotë për të vepruar;

3. Të zotërojë gjuhën e njësuar shqipe, me shkrim e të folur;
4. Të jetë në kushte shëndetësore të mira, që lejojnë të kryejë detyrën përkatëse;
5. Të plotësojë kriteret specifike të vendosura në bazë të përshkrimit të vendit të punës për formimin, kualifikimin, përvojën etj.;
6. Të mos jetë i dënuar me vendim të formës së prerë për kryerjen e një vepre penale që përbën pengesë ligjore;
7. Të mos ketë masë ndëshkimore në fuqi, nga komisionet e etikës, për shkelje të kodit të kërkuesit shkencor ose mësimdhënësit (vetëdeklarim ose vërtetim);
8. Të jetë a të vendoset me banim në Tiranë;
9. Të ketë fituar gradën master i shkencave;
10. Duhet të ketë të paktën dy referenca nga profesorë të fushës së artit.

Pranohen vetëm kandidatët të cilët, përveç kriterëve të përgjithshme, plotësojnë edhe kriteret e veçanta, si më poshtë:

Kriteret e veçanta:

1. Të ketë mbaruar studimet e larta në fushën e artit pamor, specialiteti: multimedia;
2. Të ketë kryer studimet në nivelin master shkencor ose diploma e integruar ekuivalente, me vlerësimin shumë mire (së paku me mesatare mbi 9), në fushën e artit pamor;
3. Të ketë eksperiencë pune në proceset e dixhitalizimit të arkivave.

Dokumentet që duhet të paraqesë kandidati:

Kandidati duhet të dërgojë me postë ose dorazi në një zarf të mbyllur pranë zyrës së protokollit të Akademisë së Shkencave, dokumentet si më poshtë:

1. Kërkesë me shkrim;
1. Fotokopje e faqes së parë të pasaportës ose të kartës së identitetit;
2. Curriculum Vitae, me të dhënat personale e profesionale;
3. Fotokopjet e noterizuara të diplomave universitare dhe fotokopjet e noterizuara të listës së notave;

4. Vërtetimin e gjendjes shëndetësore;
5. Vërtetimin e gjendjes gjyqësore;
6. Dy rekomandime nga dy specialistë të fushës;
7. Letër motivimi (1-2 faqe), me të cilën kandidati tregon arsyet e kandidimit dhe nivelin e përgatitjes së tij për postin në të cilin aplikon.

Afati i dorëzimit të dokumenteve:

Pranimi i dokumenteve bëhet deri më datën 14.10.2024, ora 16:00. Gjatë kësaj periudhe kandidatët kanë të drejtën të konsultohen me njësinë përgjegjëse të personelit për plotësimin e dokumentacionit. Pas këtij afati nuk pranohet asnjë aplikim për këtë vend pune.

Mënyra e vlerësimit

Vlerësimi i kandidatëve do të bëhet me datën 4.11.2024 prej orës 10:00.

Verifikimi paraprak

Rezultatet e verifikimit paraprak të kryer nga njësia, me emrat e kandidatëve që i plotësojnë kriteret, do të shpallen më datë 25.10.2024 në faqen zyrtare të Akademisë së Shkencave, dhe në portalin e Shërbimit Kombëtar të Punësimit. Lista e kandidatëve që nuk kualifikohen nuk publikohet. Njësia i bën të ditur çdo kandidati veçmas arsyen e moskualifikimit. Ankesat nga kandidatët paraqiten në njësinë përgjegjëse brenda 3 (tri) ditë pune nga shpallja e listës dhe ankuesi merr përgjigje brenda 3 (tri) ditë pune nga data e depozitimit të saj.

Verifikimi i kandidatëve

Kandidatët e kualifikuar duhet të paraqiten më datën 4.11.2024 për zhvillimin e konkursit pranë KPP.

Vlerësimi do të bëhet për:

a). Arsimimin, kualifikimin e aktivitetin e kandidatëve, mbështetur në dokumentacionin që gjendet në dosje; b). Intervistën me gojë; c). Provimin me shkrim..

Totali i pikëve në vlerësimin e kandidatëve është 100 (njëqind) pikë dhe ka këtë strukturë: a). 25 për qind për formimin profesional; b). 25 për qind për vlerësimin në bashkëbisedimin me gojë; c). 50 për qind për provimin me shkrim.

Fazat e konkurrimit:

Konkurrimi zhvillohet në dy faza:

a). Verifikimi paraprak i plotësimit të kriterëve të përgjithshme dhe specifike të domosdoshme prej kandidatëve; b). Vlerësimi i kandidatëve.

Vlerësimi i kandidatëve

Kandidatët e kualifikuar duhet të paraqiten më datën **4.11.2024** për zhvillimin e konkursit pranë KPP. Rezultati për çdo kandidat do të dalë nga shuma e pikëve të dhëna për të nga anëtarët e KPP. Në bazë të tyre do të përcaktohet renditja e kandidatëve.

Lista me emrat e konkurruesve me mbi 60 pikë do t'i dërgohet njësisë përgjegjëse të personelit e cila *shpall fitues të parin që renditet në listë*. Emri dhe profili profesional i fituesit *i njoftohen Kryesisë*. Kryetari i ASH bën emërimin në detyrë të fituesit. Fituesi brenda tri ditësh lidh kontratën e punës me institucionin të përfaqësuar nga Drejtori i Qendrës së Studimit të Arteve.

Njësia bën publik vendimin për emërimin përmes faqes zyrtare të institucionit.

Akademia e Shkencave e Shqipërisë

Sheshi “Fan Noli”, Tiranë

www.akad.gov.al